

# 1 Toradh airgeadais an Stáitchiste do 2020

## Toradh 2020: príomhghnéithe



Easnamh Stáitchiste do 2020 €12.3bn



Ollfhiachas náisiúnta iomlán €219.5bn

Athrú ar ollfhiachas náisiúnta 2020 €12.8bn ↑



Fáltais Stáitchiste €65bn

Athrú ar fháltais chánach €2.1bn ↓



Cáin ioncaim €0.22bn ↓



Cáin chorparáide €0.95bn ↑



CBL €2.69bn ↓



Dleachtanna máil €0.49bn ↓

Athrú ar fháltais neamhchánach €1.3bn ↑



Aistriú ó GNBS €2bn ↑



Aistriú ón mBanc Ceannais €0.34bn ↓

Athrú ar fháltais chaipitil €1.45bn ↑



Caiteachas Stáitchiste €77.3bn

Athrú ar chaiteachas €13.6bn ↑



Caiteachas vótáilte €13.7bn ↑



Costais seirbhísithe fiachais €0.5bn ↓



Ranníocaíocht le AE €0.14bn ↑



Iasachtaí/airleacain €0.96bn ↑

## Achoimre fhioscach

- 1.1** Íoctar ioncam uile an Stáit isteach i bPríomh-Chiste an Státchiste mura gcinntear a mhalairt leis an dlí.<sup>1,2</sup> Úsáidtear eisiúintí ón bPríomh-Chiste go príomha chun caiteachas ar sheirbhísí Stáit a mhaoiniú, agus chun fiachais Stáit a sheirbhísiú agus a íoc ar ais.
- 1.2** Sna Cuntais Airgeadais bhliantúla, cuirtear i láthair na fáltais isteach agus eisiúintí ón bPríomh-Chiste mar aon le sonraí a bhaineann le hiasachtaí a rinne Gníomhaireacht Bainistíochta an Chisteáin Náisiúnta (GBCN) thar ceann an Stáit.<sup>3</sup>
- 1.3** Tuairiscítear feidhmíocht fhioscach an Stáit ag amanna éagsúla i rith na bliana. Tá forbhreathnú ar na príomhfhoilseacháin fhioscacha a eisítear gach bliain san áireamh in Iarscríbhinn 1A. Chuirfí feabhas ar thrédhearcacht fhioscach dá ndéanfaí an fhaisnéis ábhartha uile a chomhdhlúthú i dtuarascáil airgeadais bhliantúil amháin.
- 1.4** In 2020, bhí easnamh an Státchiste beagán os cionn **€12.3 billiún**. Athrú suntasach ba ea é sin ar an mbarrachas €647 milliún a tuairiscíodh in 2019 (féach Fíor 1.1). Bhí an meath ar iarmhéid an Státchiste mar thoradh go príomha ar mhéaduithe ar chaiteachas mar fhreagairt do phaindeim Covid-19.
- 1.5** I léargas níos leithne ar fheidhmíocht fhioscach in 2020, tugtar le fios go raibh easnamh ginearálta rialtais ann dar luach **€18.4 billiún**.<sup>4</sup> Is de bharr coigeartuithe áirithe cuntasaíochta agus uainiúcháin an difríocht €6.1 billiún idir easnamh an rialtais ghinearálta agus easnamh an Státchiste, mar aon le roinnt gluaiseachtaí suntasacha airgeadais nach mbaineann leis an Státchiste a chur ar áireamh. Áiríodh leis an dara ceann easnamh de €3.5 billiún a thabhu ar an gCiste Árachais Shóisialaigh agus laghduithe suntasacha ar ghlansócmhainní comhlachtaí agus cistí Stáit áirithe nach comhlachtaí agus cistí Státchiste iad.


1 Cuimsítear in ioncam stáit nach n-íoctar go díreach isteach sa Phríomh-Chiste, mar shampla, fáltais Árachais Shóisialaigh Pá-Choibhneasa (ÁSPC), a íoctar isteach sa Chiste Árachais Shóisialaigh.

2 Cuimsítear go príomha i bhfáltais an Phríomh-Chiste ioncam cánach agus fáltais na hiasachtaíochta a rinne Gníomhaireacht Bainistíochta an Chisteáin Náisiúnta (GBCN) thar ceann an Stáit.

3 Meastar go léirítear sna Cuntais Airgeadais thart ar 75% d'ioncam agus caiteachas iomlán an rialtais.

4 Is tomhas níos leithne é iarmhéid an rialtais ghinearálta ná iarmhéid an Státchiste. Tomhaiseann sé feidhmíocht fhioscach earnáil an rialtais ghinearálta, agus is é an tagarmharc caighdeánach a úsáidtear chun críocha comparáideacha ar fud an Aontais Eorpaigh. Ullmhaíonn an Phríomh-Oifig Staidrimh staidrimh airgeadais ráithiúla agus bhliantúla rialtais ginearálta ráithiúla. Féach Iarscríbhinn 1B le haghaidh forbhreathnú ar na staidrimh sin.

**Fíor 1.1 Fáltais agus eisiúintí an Phríomh-Chiste, agus iarmhéideanna an Státchiste agus an rialtais ghinearálta, 2008 go 2020<sup>a</sup>**




Foinse: Cuntais Airgeadais 2008 go 2020 (iarmhéid an Státchiste). An Phríomh-Oifig Staidrimh: Staidrimh Airgeadais an Rialtais, Aibreán 2021 (iarmhéid rialtais ghinearálta).

Nóta: a Cuimsítear i bhfáltais agus eisiúintí an Phríomh-Chiste seirbhísíú fiachais náisiúnta ach ní áirítear leo iasachtaí a rinne GBCN thar ceann an Stáit agus aisíocaíocht fiachais náisiúnta. Féach Iarscríbhinn 1C, Fíor 1C.1 chun anailís a dhéanamh ar fháltais agus ar eisiúintí an Phríomh-Chiste do 2016 go 2020.

### Réamhaisnéis agus toradh buiséid 2020

- 1.6 Bhí sé tuartha ag an mbuiséad do 2020 barrachas beag Stáitchiste don bhliain, le fáiltais réamh-mheasta Stáitchiste €66.08 billiún agus caiteachas réamh-mheasta €66.04 billiún (féach Fíor 1.2).<sup>1</sup> Tharla an toradh - easnamh Stáitchiste €12.3 billiún - den chuid is mó mar gheall ar mhéaduithe suntasacha ar eisiúintí vótáilte chun bearta tacaíochta Covid-19 a mhaoiniú. Leithdháileadh an chuid is mó de na heisiúintí vótáilte breise (90%) ar fud ceithre roinn - an Roinn Coimirce Sóisialaí; an Roinn Sláinte; an Roinn Tithíochta, Rialtais Áitiúil agus Oidhreacht; agus an Roinn Fiontar, Trádála agus Fostaíochta.<sup>2</sup>


Fíor 1.2 Ioncam agus caiteachas Stáitchiste 2020, i gcomparáid leis an mbuiséad



Foinse: Cuntas Airgeadais 2020. Meastacháin ar Fháiltas agus Caiteachas don bhliain dar críoch an 31 Nollaig 2020.

- 1.7 Bhí tionchar Covid-19 ar fháiltas chánach 2020 níos lú ná mar a bhíodhas ag súil leis nuair a tionscnaíodh dianghlasáil Covid-19.<sup>3</sup> Ní raibh na fáiltas chánach iomlána ag deireadh 2020 ach 6% níos ísle ná meastacháin bhuiséid roimh an bpaindéim. Chuidigh feidhmíocht fáiltas cánach corparáide, a bhí níos láidre ná mar a bhíodhas ag súil leis, le laghdúithe i gcánacha eile a fhritháireamh (féach Fíor 1.3).

Fíor 1.3 Gluaiseacht i bhfáiltas chánachais 2020, i gcomparáid leis an mbuiséad



Foinse: Cuntas Airgeadais 2020. Meastacháin ar Fháiltas agus Caiteachas don bhliain dar críoch an 31 Nollaig 2020.

1 Tá an Páipéar Bán - Meastacháin ar Fháiltas agus Caiteachas don bhliain dar críoch an 31 Nollaig 2020 ar fáil [anseo](http://anseo).


2 Féach Caibidil 2, Achoimre ar chostas na freagartha do Covid-19 - Márta 2020 go Feabhra 2021 le haghaidh sonraí ar chaiteachas díreach ar Covid-19.

3 In Aibreán 2020, mheas an Roinn Airgeadais go raibh na cailiteanais chánachais fhéideartha cothrom le 16.4% ag deireadh na bliana.

## Fáltais agus eisiúintí an Phríomh-Chiste

- 1.8 B'ionann fáltais an Phríomh-Chiste in 2020 agus **€65 billiún**. B'ionann cánacha agus 88% de na fáltais (féach Fíor 1.4).<sup>1</sup> B'iomlán na n-eisiúintí in 2020 agus **€77.3 billiún**, agus iad comhdhéanta d'eisiúintí le haghaidh seirbhísí vótáilte (88%), seirbhísí fiachais náisiúnta (6%), ranníocaíochtaí le AE (3%) agus caiteachas neamhvótáilte eile (3%).

Fíor 1.4 Fáltais agus eisiúintí an Phríomh-Chiste in 2020



Foinse: Cuntas Airgeadais 2020

### Fáltais chánach agus fáltais eile Státchiste

- 1.9 Tháinig méadú thart ar €600 milliún ar fháltais iomlána isteach sa Phríomh-Chiste in 2020, a chuimsigh laghdú €2.1 billiún i bhfáltais chánach arna fhritháireamh le méadú €2.7 billiún ar fháltais neamhchánach agus chaipitil.


#### Fáltais chánach

- 1.10 Tháinig laghdú ar ioncam cánach agus ar fháltais ÁSPC (neamh-Státchiste) aron in 2020 (féach Fíor 1.5).


<sup>1</sup> Tá anailís ar fháltais agus ar eisiúintí an Phríomh-Chiste (seachas iasachtaí GBCN) do na blianta 2016 go 2020 leagtha amach in Iarscríbhinn 1C, Fíor 1C.1

- 1.11** Bhí laghdú i bhfad níos mó bliain i ndiaidh bliana ar fháltais ÁSPC (-8%) i gcomparáid le fáltais chánach ioncaim (-1%). Tá sé ráite ag an Roinn Airgeadais gurb é an laghdú is mó ar fháltais ÁSPC ba chúis leis toisc go raibh tionchar mór ag srianta agus dúntaí phaindéim Covid-19 ar earnálacha poiblí den gheilleagar nach raibh in ann samhail ghnó 'obair ón mbaile' a ghlacadh go suntasach. Is dóichí go mbeidh oibríthe sna hearnálacha seo ag bun íochtarach an dáilte pá, le líon mór fostaithe páirtaimseartha nó sealadacha. Bhí tionchar níos mó ar fháltais ÁSPC toisc, le fíorbheagán eisceachtaí, go n-íocann gach fostaí (agus oibríthe féinfhostaithe) ranníocaíochtaí árachais shóisialaigh, díreach mar a íocann a bhfostóirí. Tá cáin ioncaim níos forásaí i gcomparáid le hioncam, agus mar thoradh air sin, ba bheag éifeacht a bhí ag na srianta ar fháltais chánach ioncaim.

**Fíor 1.5 Cáin ioncaim agus fáltais ÁSPC, 2011 go 2020**



**Athrú bliain i ndiaidh bliana de réir an chineáil fáltais**




Foinse: Cuntas Airgeadais. Cuntais an Chiste Árachais Shóisialaigh.

Nóta: a íoctar fáltais ÁSPC isteach sa Chiste Árachais Shóisialaigh.

### Eisiúintí an Phríomh-Chiste

- 1.12 Mhéadaigh eisiúintí ón bPríomh-Chiste go suntasach in 2020 go €77.3 billiún, suas €13.5 billiún (21%) an bhliain roimhe sin (€63.8 billiún) (féach Fíor 1.6).

**Fíor 1.6 Caiteachas vótáilte roinne, 2019 agus 2020**




Foinse: Cuntas Airgeadais 2020

Nóta: a Cuimsítear an Roinn Breisoideachais agus Ardoideachais, Taighde, Nuálaíochta agus Eolaíochta nuabhunaithe, ag a raibh caiteachas €2.4 billiún in 2020.

### Sócmhainní Státhchiste

#### Airgead tirim agus sócmhainní airgeadais

- 1.13 B'ionann luach an airgid thirim agus na sócmhainní airgeadais eile a bhí ag an Státhchiste agus €19.2 billiún ag deireadh 2020 (féach Fíor 1.7). Léiríonn an méadú bliantúil €664 mhilliún (3.6%) tionchar na nglaniasachtaí de bheagán faoi bhun €13 billiún agus an t-easnamh Státhchiste €12.3 billiún. Féach larscríbhinn 1C, Fíor 1C.2.
- 1.14 Amhail an 31 Nollaig 2020, bhí beagnach €1.6 billiún san áireamh i sócmhainní airgid thirim agus airgeadais an Státhchiste (2019: €1.9 billiún) de nótaí ráthaithe na Gníomhaireachta Airgeadais Tithíochta. B'fhéidir nach mbeadh na sócmhainní seo inréadaithe go héasca, ag brath ar dhálaí margaidh. Fíor 1.7 Airgead tirim agus sócmhainní airgeadais eile atá i seilbh an Státhchiste, 2010 go 2020.



Foinse: Cuntas Airgeadais, 2010 go 2020

1 Féach ráiteas 1.8(A) de Chuntais Airgeadais 2020, ar féidir teacht air [anseo](#).

2 Tá sé ráite ag an Roinn Airgeadais nach ráiteas airgeadais cuimsitheach iad na Cuntais Airgeadais don Stát, a shócmhainní agus a dhliteanais agus go bhfuil leas ag an Stát i níos mó eintiteas ná iad siúd atá leagtha amach sna Cuntais Airgeadais.

3 Is é glanluach sócmhainne, nó NAV, luach sócmhainní cuideachta lúide a dliteanais. Ag an 31 Nollaig 2013, ba é €6.54 billiún an glanluach sócmhainne ar scairseilbh an Státhchiste i gcomparáid le costas €7.89 billiún.


### Iasachtaí agus airleacain Státhchiste a eisíodh

- 1.15** Seachas nótaí ráthaithe na Gníomhaireachta Airgeadais Tithíochta, bhí iasachtaí agus airleacain arna soláthar ón bPríomh-Chiste dar luach €2.1 billiún san iomlán amuigh ag deireadh 2020 - méadú €215 mhilliún i gcomparáid le 2019 (féach larscríbhinn 1C, Fíor 1C.3).
- 1.16** Le linn 2020, tugadh €600 milliún ar aghaidh chuig an gCiste Árachais Shóisialaigh chun críocha sreafa airgid thirim. Níor fabhraíodh aon ús ar an iasacht agus aisíocadh go hiomlán í ag deireadh na bliana.
- 1.17** Eisíodh suimeanna dar luach €372 mhilliún ón bPríomh-Chiste chuig Uisce Éireann faoi chomhaontú iasachta a rinneadh i mí an Mheithimh 2020. Ba í aidhm na hiasachta an fiachas tráchtála neamhtheaghlaigh a bhí ag Uisce Éireann a aisíoc agus a riachtanais iasachta uisce neamhtheaghlaigh sa todhchaí a mhaoiniú.

### Scairseilbh i gcuideachtaí Éireannacha

- 1.18** Tá scaireanna ag an Státhchiste i 24 chuideachta Stáit agus phríobháideacha mar a nochtar sna Cuntais Airgeadais.<sup>1,2</sup> Taifeadtar an scairchaipiteal a fuarthas sna cuideachtaí seo ag costas stairiúil sna Cuntais Airgeadais agus b'fhiú €7.97 billiún é ag an 31 Nollaig 2020.
- 1.19** Is ionann scairseilbh ar chostas i gCorparáid na hÉireann um Réiteach Banc Teoranta (IBRC), Permanent TSB Group, Coillte CGA, Uisce Éireann agus Údarás Aerfort Bhaile Átha Cliath agus thart ar 95% (de réir luacha) den scairseilbh iomlán mar a nochtar i gCuntais Airgeadais 2020.
- 1.20** Suas go 2013, nocht na Cuntais Airgeadais mionsonraí faoi ghlanluach sócmhainne (NAV) na scaireanna freisin.<sup>3</sup> Léiríonn Fíor 1.8 an difríocht idir an glanluach sócmhainne agus costas stairiúil cothromais do na cúig chuideachta a bhfuil an luach is airde orthu. Ba é €7.8 billiún an glanluach sócmhainne iomlán do na cúig chuideachta ag an 31 Nollaig 2020 agus b'ionann an costas stairiúil agus €7.6 billiún. Mar sin féin, thabhaigh IBRC (- €3.6 billiún) agus Permanent TSB (- €883 mhilliún) laghdúithe móra i luach, agus tá méadú suntasach tagtha ar luach Uisce Éireann (€3.1 billiún).

**Fíor 1.8 Gluaiseacht i nglanluach sócmhainne an scairchaipitil i gcomparáid le costas stairiúil**




Foinse: An Roinn Airgeadais

## Dlíteanais an Stáitchiste


### Ollfhiachas náisiúnta

- 1.21** Le linn 2020, tháinig méadú 6.2% (€12.8 billiún) ar ollfhiachas náisiúnta na hÉireann, agus é cothrom le €219.5 billiún ag deireadh na bliana (féach Fíor 1.9).
- 1.22** B'ionann fiachas meántéarmach agus fadtéarmach ag deireadh 2020 agus 83% (€182.3 billiún) den ollfhiachas náisiúnta agus bhí bannaí rialtais ann den chuid is mó (bannaí ráta sheasta, bannaí ráta chomhlúthaigh, bannaí amúchta agus bannaí atá bainteach le boilsciú) agus iasachtaí AE agus RA (Sásra Cobhsaíochta Airgeadais Eorpach, an tSaoráid Eorpach um Chobhsaíocht Airgeadais agus Stáitchiste na Ríochta Aontaithe).
- 1.23** Mhéadaigh an fiachas a d'eascair as na scéimeanna coigiltis Stáit éagsúla faoi 6% go €18.8 billiún ag deireadh 2020.

**Fíor 1.9 Ollfhiachas náisiúnta ag parluachanna infhuascailte, deireadh 2012 go deireadh 2020**



### Comhdhéanamh an ollfhiachais náisiúnta ag deireadh 2020 a



Foinse: Ráitis airgeadais Fhiachas Náisiúnta na hÉireann 2020, Gníomhaireacht Bainistíochta an Chisteáin Náisiúnta.

Nóta: a Mar gheall ar shlánú, ní fhreagraíonn suim na méideanna fiachais aonair don iomlán.

- 1.24** B'ionann fiachas gearrthéarmach agus €18.4 billiún d'ollfhiachas náisiúnta ag deireadh 2020, méadú 41% ó dheireadh 2019.<sup>1</sup> Cuimsíodh san iasacht ag deireadh 2020 fiachas 'páipéir ghearrthearmaigh' €14 billiún, iasachtaí €2.6 billiún ó Chiste Bhanc Taisce Oifig an Phoist, agus €1.7 billiún i gcistí barrachais a aistríodh ón gcuntas airgid caiteachais phoiblí barrachais ag deireadh na bliana.<sup>2</sup>
- 1.25** In 2020, bhí sé beartaithe ag GBCN ar dtús idir €10 billiún agus €14 billiún de bhannaí a eisiúint. Bhí gá leis sin go príomha chun fiachas a bhí ann cheana agus a bhí ag aibiú lena aisíoc a athmhaoiniú. Mar gheall ar an titim eacnamaíoch de bharr phaindéim Covid-19, áfach, rinneadh athbhreithniú ar an raon maoinithe agus ba é an eisiúint iarbhír ná €24.6 billiún.<sup>3</sup> Eisíodh bannaí ag meánaibíocht 11.5 bliana agus meántoradh ualaithe 0.21%. Áiríodh leis an bhfiachas eisiúint trí bhanna nua ag a bhfuil aibíochtaí 7 mbliana, 10 mbliana agus 15 bliana (féach Fíor 1.10).
- 1.26** Ina theannta sin, bailíodh €1.4 billiún i socrúcháin phríobháideacha a eisíodh faoi *Chlár Nótaí Meántéarmacha Euro* GBCN. Bhí seacht socrúchán ann in 2020 agus aibíochtaí idir 58 mbliana agus 100 bliain acu.<sup>4</sup>


1 Tá aibíocht bhunaigh níos lú ná bliain amháin ag fiachas gearrthéarmach.

2 Sa chuntas airgid chaiteachais phoiblí barrachais, déantar iasachtaí agus aisíocaíochtaí cistí barrachais a choinnítear i gcuntas soláthair an Phámháistir Ghinearálta a thaifeadh.

3 Áirítear leis seo €0.6 billiún a eisíodh sna ceantanna bannaí neamhiomaíocha.

4 Is éard atá i socrúcháin príobháideach ná díolachán bannaí de chuid infheisteoirí agus institiúidí réamhroghnaithe seachas ar an margadh oscailte. De ghnáth, bíonn idirbhearta socrúcháin príobháideacha mar thoradh ar chur chuige díreach ag infheisteoirí i leith ceann de 'phríomhdhéileáil' GBCN a dhéanann téamaí na heisiúna a chaibidlíú le GBCN.

**Fíor 1.10 Eisiúintí bannaí rialtais GBCN, 2020<sup>a</sup>**




Foinse: Gníomhaireacht Bainistíochta an Chisteáin Náisiúnta

Nóta: a Cuimsítear ceantanna neamhiomaíocha.


### Costais seirbhísithe fiachais

- 1.27** D'ainneoin an mhéadaithe mhóir ar iasachtaí, thit costas seirbhísithe an fhiachais faoi níos mó ná 10% in 2020 (féach Fíor 1.11). Ba é an costas seirbhísithe a íocadh as an bPríomh-Chiste ná €4.7 billiún. Cuimsíodh anseo ús €4.4 billiún ar an ollfhiachas náisiúnta, ús 'diúltach' a íocadh ar airgead tirim a coinníodh sa Bhanc Ceannais agus ar shócmhainní airgeadais eile €115 mhilliún, agus táillí agus costais oibriúcháin €161 mhilliún.
- 1.28** Tá sé ráite ag GBCN gurbh iad aibíocht bannaí cúpón ard - ar eisíodh an chuid is mó díobh le linn na géarchéime airgeadais ag deireadh na 2000idí - agus maoiniú níos saoire ina n-ionad, mar aon le comhbhrú na dtorthaí bannaí ceannasacha a d'eascair as clár éascaithe chainníochtúil an Bhainc Cheannais Eorpigh, na príomhthosca a bhí taobh thiar den titim sa bhille seirbhísithe fiachais le blianta beaga anuas.

**Fíor 1.11 Costais seirbhísithe fiachais, 2012 go 2020 (ar bhonn airgid)**

Foinse: Gníomhaireacht Bainistíochta an Chisteáin Náisiúnta

- 1.29** Leanadh leis an laghdú ar mheánchostas iasachtaí Stáit le linn 2020. Ag deireadh na bliana, measadh go raibh an meánchostas ualaithe foriomlán chun an t-ollfhiachas náisiúnta a sheirbhísiú cothrom le 1.74% (deireadh-2019: 2.24%) (féach Fíor 1.12).

**Fíor 1.12 Meánchostas ualaithe an ollfhiachais náisiúnta, de réir cineáil fiachais, 2012 go 2020**

Foinse: Gníomhaireacht Bainistíochta an Chisteáin Náisiúnta

**Spríoc fiachais an rialtais ghinearálta**

- 1.30** Is tomhas níos cuimsithí ar fhiachas Stáit é fiachas rialtais ghinearálta ná fiachas náisiúnta agus is é an tomhas caighdeánaithe a bhfuil oibleagáid dhlíthiúil ar gach tír AE tuairisc a thabhairt air faoi Chonradh Maastricht.<sup>1</sup>
- 1.31** Luaitear i rialacha fíoscacha na hEorpa nár cheart fiachas rialtais ghinearálta na mballstát a bheith níos mó ná 60% de OTI nó, agus más mó é, ba cheart é a laghdú go seasta i dtreo na sprice 60%. Ba é cóimheas fiachais rialtas ginearálta na hÉireann 58.4% ag deireadh 2020, i gcomparáid le 57.2% ag deireadh 2019 (féach Fíor 1.13).
- 1.32** An 20 Márta 2020, ghníomhachtaigh an Coimisiún Eorpach ‘clásal éalaithe ginearálta’ an Chomhshocraithe Cobhsaíochta agus Fáis.<sup>2,3</sup> Lig an gníomhachtú do bhallstáit AE ceanglais a chur ar fionraí chun a gcuid spríocanna fíoscacha a bhaint amach agus bearta buiséadacha cuí a ghlacadh chun aghaidh a thabhairt ar na cúinsí eisceachtúla a bhaineann le paidéim Covid-19. Tá sé luaite ag an gCoimisiún go leanfar den chlásal éalaithe ginearálta a chur i bhfeidhm trí 2022 agus táthar ag súil go ndéanfar é a dhíghníomhachtú in 2023.


1 Ciallaíonn fiachas rialtais ghinearálta dlíteanais fiachais an rialtais láir, an rialtais áitiúil agus cistí rialtais, seachas fiachais atá dlíte ó eamáil rialtais amháin do cheann eile.

2 Leis an gclásal in Airteagail 3(5) agus 5(2) de Rialachán (CE) 1467/97 ('gné cheartaitheach') [anseo](#), ceadáitear bearta buiséadacha riachtanacha chun déileáil go leordhóthanach le cásanna eisceachtúla.

3 Is creat riailbhunaithe é an Comhshocrú Cobhsaíochta agus Fáis chun beartais fhíoscacha náisiúnta in AE a chomhordú.

- 1.33** Tá sé luaithe ag an Roinn Airgeadais gurb amhlaidh, mar gheall ar shaobhadh staitistiúil in OTI na hÉireann, nach dtugann cóimheasa a bhaineann le OTI léargas ceart ar acmhainn aisíocaíochta gheilleagar na hÉireann. I mí na Nollag 2019, d'fhógair an tAire Airgeadais sprioc nua fiachais intíre, bunaithe ar OIN\*.<sup>1</sup> Socraíodh sprioc náisiúnta chun an cóimheas fiachais le OIN\* a laghdú go 60% ar luas oiriúnach, agus sprioc eatramhach de 85% de OIN\* faoi 2025 (féach Fíor 1.13). Ag deireadh 2020, ba é an cóimheas fiachais le OIN\* ná 104.7%. Mura gcomhlíontar an sprioc inmheánach OIN\*, ní dhéanfar aon difear don dóigh a gcomhlíonann Éire rialacha fíoscacha AE.
- 1.34** Tá sé luaithe ag an Roinn go bhféadtar oiriúnacht na spriocanna fiachais a luadh cheana a athmheasúnú a luaithe a bheid géarchéim na paidéime críochnaithe agus an a bheid an téarnamh ar siúl.

**Fíor 1.13 Cóimheasa fiachais le OTI agus fiachais le OIN\* na hÉireann, 2010 go 2020 (céatadán)**



<sup>1</sup> Sainmhíniú an Phríomh-Oifig Staidrimh OIN\* mar tháscaire atá deartha chun éifeachtaí domhandaithe a bhfuil tionchar díréireach acu ar thomhas mhéid gheilleagar na hÉireann a eisiáimh.


Foinse: An Phríomh-Oifig Staidrimh. An Roinn Airgeadais.

## Dlíteanais eile

### Comhpháirtíochtaí príobháideacha poiblí

- 1.35** Is éard atá i gcomhpháirtíocht phríobháideach phoiblí (CPP) socrú idir údarás poiblí agus comhpháirtí príobháideach atá deartha chun sócmhainní agus/nó seirbhísí bonneagair phoiblí a fháil agus a sholáthar faoi chonarthaí fadtéarmacha. Déanann an comhpháirtí príobháideach an tsócmhainn a mhaoiniú agus a thógáil, agus ina dhiaidh sin cuirtear ar fáil í lena húsáid ag an bpobal agus íocann an Stát agus/nó úsáideoirí aisti (trí mhuirir úsáideora) thar thréimhse fhada (20 bliain - 25 bliana de ghnáth). Tagann an tsócmhainn faoi úinéireacht an Stáit ansin.
- 1.36** Féachtar ar chomhpháirtíochtaí príobháideacha poiblí mar shásra maoinithe 'lasmuigh den chlár comhardaithe' ó thaobh an rialtais ghinearálta de, toisc nach n-áirítear dlíteanais faoi chonarthaí CPP de ghnáth i ríomh fhiachas an rialtais ghinearálta. Comhlíontar dlíteanais de réir mar a eascraíonn siad as eisiúintí vótáilte as an bPríomh-Chiste, nó as muirir úsáideoirí i gcás thionscadail lamháiltais CPP.
- 1.37** Rianaíonn an Roinn Caiteachais Phoiblí agus Athchóirithe ceangaltais sa todhchaí faoi thionscadail CPP. Ag deireadh 2020, bhí 27 scéim CPP ag feidhmiú go hiomlán agus bhí trí cinn acu ag céim na forbartha. Ag an dáta sin, bhí ceangaltais CPP sa todhchaí díreach os cionn €6.7 billiún (féach Fíor 1.14).
- 1.38** B'ionann an caiteachas ar íocaíochtaí aonadacha CPP agus díreach os cionn €292 mhilliún in 2020. Tá an Státchiste tiomanta d'íocaíochtaí de thart ar €325 mhilliún a dhéanamh in aghaidh na bliana go 2035 agus tiocfaidh laghdú ar íocaíochtaí ag an am sin, den chuid is mó toisc go mbeidh conarthaí CPP níos sine curtha i gcrích.

**Fíor 1.14 Comhdhéanamh an chostais iomláin réamh-mheasta ar gach íocaíocht CPP gan íoc**



1 Bunaíodh Bord Telecom Éireann (Eircom) i 1984 faoin Acht Seirbhísí Poist agus Teileachumarsáide, 1983.

2 Ceanglaíodh ar an Aire Airgeadais ranniocaíochtaí a dhéanamh leis an scéim aoisliúntais chun dlíteanais phinsin réamhdhílisithe a chlúdach don fhoireann agus dá marthanóirí a d'aistrigh ón Roinn Poist agus Telegrafa, a bhí ann roimhe sin, go Bord Telecom Éireann i mí Eanáir 1984.

3 De réir ailt 26, 46(9) agus 46(11) den Acht Seirbhísí Poist agus Teileachumarsáide, 1983.

Foinse: An Roinn Caiteachais Phoiblí agus Athchóirithe

Nóta: a Mar gheall ar shlánú, ní fhreagraíonn suim na méideanna fiachais aonair don mhéid iomlán.

### Ciste pinsen Uimh. 2 Eircom


- 1.39** I 1996, dhíol an Stát 20% dá shealúchas i mBord Telecom Éireann (Eircom), a bhí ann roimhe sin, le hinfheisteoirí príobháideacha.<sup>1</sup> Faoi dheireadh mhí Iúil 1999, bhí an chuideachta príobháidithe go hiomlán.
- 1.40** Chuir an tAire Airgeadais díreach os cionn €1 billiún ar fáil do chiste pinsen Uimh. 2 Eircom nuair a bunaíodh é i mí na Nollag 1999.<sup>2,3</sup> Is é an Stát an t-aon ranniocóir atá ag an gciste pinsen agus ní rabhtas ag súil go mbeadh gá le maoiniú breise ón Stát.

- 1.41** Ag deireadh mhí an Mhárta 2020, ba iad sócmhainní an chiste pinsean €83.8 milliún agus, faoi dheireadh mhí na Samhna 2020, measadh nach raibh sócmhainní an chiste leordhóthanach chun na costais a íoc sna ceithre mhí dár gcionn. Bhí an ciste caite go hiomlán faoi thús 2021. Nocht an tuarascáil is déanaí ar dhliteanais an chiste pinsean a ndearnadh measúnú achtúireach orthu easnamh a measadh a bheith cothrom le €1 billiún.<sup>1</sup>
- 1.42** Meastar go mbeidh maoiniú de thart ar €84.2 milliún ag teastáil le haghaidh 2021 agus go mbeidh €86 mhilliún ag teastáil sa bhliain ina dhiaidh sin chun dliteanais phinsin a chomhlíonadh. Rinneadh an chéad íocaíocht os cionn €20 milliún ón bPríomh-Chiste i mí Eanáir 2021 faoi shocruithe nua a cheadaigh an tAire.<sup>2</sup> Tá ranníocaíochtaí leis an gciste pinsean le déanamh ar bhonn ‘íoc mar a thuillir’, trína n-íocfaidh an tAire airgead leis an gciste ar bhonn sceidealta i leith na sochar atá dlite.

### Scéim Ráthaíochta Creidmheasa Covid-19

- 1.43** Seoladh Scéim Ráthaíochta Creidmheasa Covid-19 i mí Mheán Fómhair 2020 agus cheadaigh an Coimisiún Eorpach í faoin gCreat Sealadach maidir le Bearta Státchabhrach. Tá an scéim, a bhfuil acmhainn maoinithe €2 billiún aici, deartha chun aghaidh a thabhairt ar ghanntanas leachtachta a bhíonn ag micrifhiontair, fiontair bheaga agus fiontair mheánmhéide mar gheall ar ghéarchéim Covid-19 trí rochtain ar mhaoiniú seachtrach a fheabhsú. Ráthaíonn an Stát 80% den airgead a thugtar ar iasacht do na hinstiúidí rannpháirteacha is iasachtóirí. Féadfaidh iasachtaí a thugtar ar airleacan a bheith sa raon idir €10,000 agus €1 mhilliún ar a mhéad, ar feadh téarmaí suas le cúig bliana go leith. Ní theastaíonn aon ráthaíochtaí pearsanta maidir le hiasachtaí faoi €250,000. Bhíothas ag súil go rithfeadh an scéim go dtí an 31 Nollaig 2020, ach fadaíodh í go deireadh 2021 ina dhiaidh sin.
- 1.44** Faoin 12 Lúnasa 2021, bhí iasachtaí dar luach iomlán €410 milliún, arb ionann iad agus díreach faoi bhun 21% d’acmhainn iomlán na scéime, tarraingthe anuas (féach Fíor 1.15).
- 1.45** Tá sé luaite ag an Roinn Airgeadais gur cuireadh €26 mhilliún i leataobh le haghaidh cailiteanais scéime agus costais oibriúcháin i mbuiséad 2021. Faoi láthair, measann an Roinn cailiteanais iomlána fhéideartha na scéime a bheith cothrom le €34.3 milliún in 2021. Tá an Roinn ag súil le méid cailiteanais níos airde in 2022, ach níl an méid cailiteanais réamh-mheasta aici go fóill do 2022 ná do bhlianta ina dhiaidh sin. Léiríonn sé seo dliteanas teagmhasach don Stáitchiste.

**Fíor 1.15 Achoimre ar luachanna iasachta de réir míosa, 2020-2021<sup>a</sup>**



Foinse: Corparáid Baincáireachta Straitéiseach na hÉireann *Tuarascáil feidhmíochta ar Scéim Ráthaíochta Creidmheasa Covid-19 don Roinn Fiontar, Trádála agus Fostaíochta*

Nóta: a Léiríonn sé seo na méideanna iomlána arna dtarraingt anuas go dtí an tseachtain dar críoch an 12 Lúnasa 2021.

<sup>1</sup> Ullmhaítear luacháil an chiste pinsean ar bhonn tríbhliantúil. Tá an luacháil achtúireach is déanaí a rinneadh i mí Dheireadh Fómhair 2018 ceangailte leis an *Tuarascáil Bhliantúil um Chiste Aoisliúntais Uimh. 2* Eircom don bhliain dar críoch an 31 Márta 2020.

<sup>2</sup> Cuireadh Gníomhas Leasaithe Chiste Aoisliúntais Uimh. 2 Eircom, Scéim Aoisliúntais Eircom (Leasú), 2016, i bhfeidhm chun fóráil a dhéanamh do mhaoiniú Chiste Uimh. 2 Eircom sa todhcháil.

## Iarscríbhinn 1A Forbhreathnú ar na príomhfhoilseacháin fhioscacha a eisítear gach bliain

Comhlacht Eisiúna	Tuarascáil	Minicíocht	Ábhar
<b>An Roinn Airgeadais</b>	Monatóir fioscach	Míosúil	Soláthraítear tráchttaireacht ar ioncam agus caiteachas sealadach an Státhchiste don mhí ábhartha agus taispeánann sé an staid chomhach don bhliain go dtí seo.  Déantar comparáid idir figiúirí toraidh bliana go dtí seo agus an phróifíl réamh-mheasta.
<b>An Roinn Airgeadais</b>	Sonraí fioscacha	Míosúil	Soláthraítear meastacháin ar ioncam agus ar chaiteachas gach earnála den rialtas ginearálta ar bhonn míosúil. <sup>a</sup>  Tá sé mar aidhm aige sonraí tráthúla a sholáthar ar thionchar gach fo-earnála (i.e. rialtas láir agus rialtas áitiúil) ar staid fhoriomlán an rialtais ghinearálta.
<b>An Roinn Airgeadais</b>	Tuarascáil bhliantúil ar fhiachas poiblí	Bliantúil	Soláthraítear anailís leathan ar athruithe ar fhiachas poiblí in Éirinn, mar aon le hanailís ar chomhdhéanamh, úinéireacht agus próifíl aibíochta fhiachas na hÉireann.
<b>An Roinn Airgeadais</b>	Nuashonrú ar dhliteanais theagmhasacha	Bliantúil	Soláthraítear sonraí faoi dhliteanais theagmhasacha rialtais a bhféadfadh tionchair mhóra a bheith acu ar bhuiséid phoiblí.
<b>An Roinn Airgeadais</b>	Cuntas airgeadais	Bliantúil	Ráitis airgeadais iniúchta an Státhchiste, ina bhfuil anailís agus aicmiú ar na híocaíochtaí isteach agus amach as an bPríomh-Chiste chomh maith le sonraí faoin bhfiachas náisiúnta.
<b>POS</b>	Staidrimh an rialtais ghinearálta	Dhá uair sa bhliain	Soláthraítear faisnéis staidrimh ar idirbhearta airgeadais agus neamhairgeadais ag eamail an rialtais (féach Iarscríbhinn 1B).
<b>An Roinn Caiteachais Phoiblí agus Athchóirithe</b>	Sonraí tionscadail CCP	Bliantúil	Soláthraítear sa nuashonrú achomair ar CPPanna faisnéis tháscach maidir le tionscadail CCP i gcoitinne, bunaithe ar fhaisnéis a sholáthraíonn ranna agus gníomhaireachtaí.

Foinse: Anailís ó Oifig an Ard-Reachtair Cuntas agus Ciste

Nóta: a Tá cuid de na sonraí sealadach agus bunaithe ar na meastacháin is fearr ar dháta an fhoilsiú. Déantar figiúirí a nuashonrú sna míonna ina dhiaidh sin de réir mar a bhíonn sonraí níos fearr ar fáil.

## **Iarscríbhinn 1B Staidrimh airgeadais rialtais na Príomh-Oifige Staidrimh**

Ceanglaíonn Europol, údarás staidrimh an Aontais Eorpaigh, ar gach ballstát raon staidreamh airgeadais a tháirgeadh a chomhlíonann na sainmhínithe comhchuibhithe agus na caighdeáin chomhchuibhithe laistigh den Chóras Eorpach na gCuntas 2010.

Tá an Phríomh-Oifig Staidrimh (POS) freagrach as tuairisciú oifigiúil a dhéanamh ar staidrimh airgeadais rialtas ghinearálta na hÉireann.

Cuimsíonn na haschuir ráithiúla airgeadais rialtais ghinearálta agus na staidrimh rialtais ghinearálta ó POS na príomhráitis seo a leanas

- Tábla 1 — idirbhearta rialtais ghinearálta: ioncam, caiteachas, maoiniú agus easnamh
- Tábla 2 — rialtas ghinearálta: glanfhiúchas, ollfhiachas agus glanfhiachas
- Tábla 3 — rialtas ghinearálta: aicmiú mionsonraithe ar ioncam agus aschur
- Tábla 4 — rialtas ghinearálta: aicmiú mionsonraithe ar chaiteachas agus tomhaltas
- Tábla 5 — idirbhearta airgeadais rialtais ghinearálta
- Tábla 6 — rialtas ghinearálta: miondealú mionsonraithe ar ghlanfhiúchas ag luach an mhargaidh, gan dliteanais phinsin a áireamh
- Tábla 7 — ollfhiachas agus glanfhiachas rialtais ghinearálta.

Cuimsítear in earnáil an rialtais ghinearálta an rialtas láir agus an rialtas áitiúil, comhlachtaí neamhthráchtála faoi úinéireacht an Stáit agus cistí buiséadacha breise, na comhlachtaí tithíochta ceadaithe is mó agus ospidéal dheonacha.

Tá liosta iomlán na n-eintiteas foilsithe ar shuíomh gréasáin na Príomh-Oifige Staidrimh.

## Iarscríbhinn 1C Táblaí sonraí

Fíor 1C.1 Comhdhéanamh fháltais agus eisiúintí an Phríomh-Chiste, 2016 go 2020<sup>a</sup>

	2016	2017	2018	2019	2020
	€m	€m	€m	€m	€m
<b>Fáltais</b>					
<i>Fáltais reatha</i>					
Ioncam cánach	47,864	50,737	55,557	59,314	57,165
Aistriú ón gCiste Rialtais Áitiúil	318	230	—	—	—
Ioncam barrachais an Bhainc Ceannais <sup>b</sup>	1,800	1,836	2,108	2,395	2,050
Ioncam barrachais an Chrannghair Náisiúnta	219	227	225	251	270
Dibhinní ó chomhlachtaí Stáit	269	324	261	262	133
Ioncam reatha eile	498	248	311	440	197
Ioncam barrachais GNBS	—	—	—	—	2,000
<i>Fáltais chaipitil</i>					
Airleacain/iasachtaí a aisíocadh <sup>c</sup>	2,143	1,021	933	1,055	1,680
Fáltais bhearta cobhsaíochta na hearnála airgeadais	1,871	3,723	341	682	3
Fáltais chaipitil eisceachtúla <sup>d</sup>	—	—	—	—	1,500
Fáltais chaipitil eile	75	30	572	31	30
<b>Iomlán na bhfáltais</b>	<b>55,057</b>	<b>58,376</b>	<b>60,308</b>	<b>64,429</b>	<b>65,028</b>
<b>Eisiúintí</b>					
Eisiúintí maidir le caiteachas vótáilte	43,986	46,291	50,445	54,146	67,849
Seirbhísíú fiachais náisiúnta	6,845	6,227	5,967	5,220	4,676
Ranníocaíocht le buiséad AE	2,023	2,016	2,519	2,432	2,569
Coimisiún an Oireachtais	114	110	131	126	132
Airleacain/iasachtaí <sup>e</sup>	2,320	963	975	935	1,523
Bearta cobhsaíochta na hearnála airgeadais	4	—	—	—	—
Uisce Éireann (scaireanna, ranníocaíochtaí caipitil agus iasachtaí)	184	270	—	758	372 <sup>c</sup>
Aistriú chuig an gCiste Rialtais Áitiúil <sup>e</sup>	463	480	12	—	—
Íocaíochtaí eile	136	113	160	165	224
<b>Iomlán na n-eisiúintí</b>	<b>56,075</b>	<b>56,470</b>	<b>60,209</b>	<b>63,782</b>	<b>77,345</b>
<b>Barrachas/(easnamh) don bhliain</b>	<b>(1,018)</b>	<b>1,906</b>	<b>99</b>	<b>647</b>	<b>(12,317)</b>

Foinse: Cuntas Airgeadais 2016 go 2020. Tá aon difríochtaí dealraitheacha sna hiomláin mar gheall ar shlánú.

- Nótaí:
- a Is comhdhlúthaithe atá idirbhearta chuntas an Phríomh-Chiste agus an Chuntais Fuascailte Seirbhísí Caipitíúla. Coinníonn GBCN an cuntas deireanach seo chun fiachas náisiúnta agus idirbhearta de ghnáthchineál baincéireachta a sheirbhísí.
  - b Is éard atá sa mhéid a fhaightear isteach sa Phríomh-Chiste gach bliain go príomha an t-ioncam barrachais don bhliain airgeadais roimhe sin, de réir ráitis airgeadais iniúchta Bhanc Ceannais na hÉireann.
  - c Féach Fíor 1C.3 le haghaidh tuilleadh sonraí.
  - d Tá fáltais chaipitil eisceachtúla neamh-athfhillteach. Baineann figiúr 2020 leis an gCúlchiste Barrachais Náisiúnta.
  - e Bainteach le cur i bhfeidhm fáiltas cánach maoine áitiúla (CMÁ), a cuireadh san áireamh in ioncam cánach roimh 2018. Le héifeacht ón 1 Eanáir 2018, íocann na Coimisinéirí Ioncaim fáltais CMÁ go díreach isteach sa Chiste Rialtais Áitiúil, seachas go hindíreach tríd an bPríomh-Chiste.

**Fíor 1C.2 Gluaiseachtaí in iarmhéideanna airgid thirim agus sócmhainní airgeadais an Státhchiste, 2016 go 2020**

<b>Gluaiseacht sa bhliain</b>	<b>2016</b>	<b>2017</b>	<b>2018</b>	<b>2019</b>	<b>2020</b>
	<b>€m</b>	<b>€m</b>	<b>€m</b>	<b>€m</b>	<b>€m</b>
<b>Iarmhéid ag an 1 Eanáir</b>	<b>13,554</b>	<b>11,119</b>	<b>13,217</b>	<b>17,593</b>	<b>18,536</b>
Glaniasachtú/ (glan-aisíocaíocht) Státhchiste sa bhliain	(1,417)	193	4,276	297	12,981
Barrachas/(easnamh) Státhchiste	(1,018)	1,906	99	647	(12,317)
<b>Iarmhéid ag an 31 Nollaig</b>	<b>11,119</b>	<b>13,217</b>	<b>17,593</b>	<b>18,536</b>	<b>19,200</b>
<b>Comhdhéanamh airgid thirim agus sócmhainní airgeadais ag an 31 Nollaig</b>	<b>2016</b>	<b>2017</b>	<b>2018</b>	<b>2019</b>	<b>2020</b>
	<b>€m</b>	<b>€m</b>	<b>€m</b>	<b>€m</b>	<b>€m</b>
Cuntas státhchiste <sup>a</sup>	8,385	10,533	15,338	16,502	17,362
Taiscí bainc tráchtála	199	—	—	—	—
Nótaí ráthaithe meántéarmacha SBCI <sup>b</sup>	85	85	85	25	—
Nótaí ráthaithe na Gníomhaireachta Airgeadais Tithíochta	2,032	1,742	1,558	1,913	1,586
Maoiniú comhthaobhachta	418	857	612	96	252
<b>Iarmhéid ag an 31 Nollaig</b>	<b>11,119</b>	<b>13,217</b>	<b>17,593</b>	<b>18,536</b>	<b>19,200</b>

Foinse: Cuntas Airgeadais 2016 go 2020. Tá aon difríochtaí dealraitheacha sna hiomláin mar gheall ar shlánú.

- Nótaí:
- a Áirítear iarmhéid €216,000 i seilbh sa Chuntas Fuascailte Seirbhísi Caipitiúla (CSRA) (2019: €250,000).
  - b Bunaíodh Corparáid Baincéireachta Straitéiseach na hÉireann (SBCI) faoin Acht um Chorporáid Baincéireachta Straitéiseach na hÉireann, 2014. Is é an aidhm atá léi rochtain ar mhaoiniú solúbtha a chinntiú d'fhiontair bheaga agus mheánmhéide na hÉireann trí sholáthar maoinithe ar chostas níos ísle agus táirgí solúbtha a éascú. Is leis an Aire Airgeadais scairchaipiteal eisithe SBCI.

**Fíor 1C.3 Iasachtaí agus airleacain, 2016 go 2020**

	2016	2017	2018	2019	2020
	€m	€m	€m	€m	€m
<b>An Ciste Eorpach um Ráthaíocht Talmhaíochta</b>					
Iarmhéid tosaigh	599	770	740	725	750
Aisíocaíochtaí	(599)	(770)	(740)	(725)	(750)
Iasachtaí a eisíodh	770	740	725	750	670
<b>Iarmhéid deiridh</b>	<b>770</b>	<b>740</b>	<b>725</b>	<b>750</b>	<b>670</b>
<b>An Ciste Árachais Shóisialaigh</b>					
Iarmhéid tosaigh	—	—	—	—	—
Aisíocaíochtaí	(1,370)	—	—	—	(600)
Airleacain	1,370	—	—	—	600
<b>Iarmhéid deiridh</b>	<b>—</b>	<b>—</b>	<b>—</b>	<b>—</b>	<b>—</b>
<b>An Ciste Cúitimh Árachais</b>					
Iarmhéid tosaigh	812	706	636	636	556
Aisíocaíochtaí	(106)	(70)	—	(80)	(142)
Iasachtaí a eisíodh	—	—	—	—	—
<b>Iarmhéid deiridh</b>	<b>706</b>	<b>636</b>	<b>636</b>	<b>556</b>	<b>414</b>
<b>Tacaíocht cobhsaíochta AE don Ghréig</b>					
Iarmhéid tosaigh	347	347	347	347	347
Aisíocaíochtaí	—	—	—	—	(3)
<b>Iarmhéid deiridh</b>	<b>347</b>	<b>347</b>	<b>347</b>	<b>347</b>	<b>344</b>
<b>Uisce Éireann</b>					
Iarmhéid tosaigh	96*	—	—	—	—
Aisíocaíochtaí	—	—	—	—	—
Airleacain	—	—	—	—	372
<b>Iarmhéid deiridh</b>	<b>—</b>	<b>—</b>	<b>—</b>	<b>—</b>	<b>372</b>
<b>Iasachtaí agus airleacain eile</b>					
Iarmhéid tosaigh	81	194	236	293	228
Aisíocaíochtaí/tiontú iasachtaí	(67)	(181)	(193)	(250)	(185)
Iasachtaí a eisíodh	180	225	250	185	253
<b>Iarmhéid deiridh</b>	<b>194</b>	<b>236</b>	<b>293</b>	<b>228</b>	<b>296</b>

Foinse: Cuntas Airgeadais 2016 go 2020. Tá aon difríochtaí dealraitheacha mar gheall ar shlánú.

Nóta: a I mí na Nollag 2016, rinneadh an iasacht a thiontú ina ranníocaíocht caipitil neamhchoinníollach, neamh-inchúlghairthe agus neamh-inaisíochta.